

感症鑑筏

增春署簽



感症寶筏卷之二上目錄

三陽總辨

太陽經症

太陽總要述古

太陽本病述古

發熱

惡寒

惡風

頭痛

項強

體痛

太陽併病新法

太陽陽明

太陽少陽

太陽兼肺

太陽太陰

太陽少陰

陽明經症

陽明總要述古

陽明本病述古



不大便

自汗

不眠

頭汗出

手足汗

潮熱

譫語

狂亂

循衣摸床

渴

陽明心得新法

陽明內熱引發

陽明血分熱病

陽明氣分熱病

陽明併病心法

陽明兼肺

陽明少陽

陽明太陰

陽明少陰

少陽經症

少陽總要述古

少陽本病述古

口苦

咽乾

目眩

耳聾

往來寒熱

胸脇滿痛

嘔



少陽心得新法

少陽兼營熱

少陽兼胞絡火

溫邪上乘胞絡

溫邪入心肺兩經

熱痰內陷胞絡

痰入絡中

熱結小腸

少陽併病新法

少陽陽明

少陽太陰

少陽少陰

少陽厥陰



感症寶筏卷之二上

六經本病總論

按傷寒斷無日傳一經之理。仲景既無明文。其說始於誤解經義。素問熱論篇云。傷寒一日巨陽（太陽也）受之。故頭項痛。腰背強。二日陽明受之。故身熱。目痛。鼻乾。不得眠。三日少陽受之。故胸脇痛。而耳聾。此言三陽受邪發病之期。有淺深先後之次序。非謂傳經之日期也。故下文云。七日巨陽病衰。頭痛少愈。八日陽明病衰。身熱少愈。九日少陽病衰。耳聾微聞。此言病之向愈。大約以七日爲期。以七日始行。盡本經也。故太陽病至七日始衰。而頭痛少愈。則六日內。只在本經。非傳至厥陰明矣。注疏者以六日爲傳經已



盡以七日巨陽病衰爲再傳經釋之。致後人皆以日傳一經爲常例。不知六氣之傷人。無常。或入於陽。或入於陰。靈樞云。中於面則下。陽明中於項則下。太陽中於頰則下。少陽以此可知。三陽各自受邪。非必從太陽傳入也。則太陽受病一日發。陽明受病二日發。其義顯然。故傷寒非必始太陽而終厥陰。亦非一經獨病相傳大抵今之傷寒。無不兼經而病。即古人所稱合病併病之症。後學不解此旨。而欲拘拘於六經傳次印證。今病宜無一症合其式矣。茲將六經古法述於前。新法續於後。其各經兼併之症。列于六經正病之下。庶臨症者得其把握焉。

太陽經症

正太陽總要述古

麻黃湯 桂枝湯 大青龍湯 小青龍湯 葛根湯

麻杏石甘湯 桂枝加厚朴杏仁湯 桂枝麻黃各半湯

五苓散 桂枝二麻黃一湯 桂枝二越婢一湯

麻黃連軀赤小豆湯

○太陽本病述古

發熱 惡寒 惡風 頭痛 項強 體痛

凡風寒初感。先入皮毛肌表。外症便有頭痛、項強、身痛、腰痛、骨節煩疼、發熱、惡寒。此皆太陽經之見症（太陽經主症）如無汗而脈浮緊。此營衛俱強而表實也。用麻黃湯以發表。使營衛



之邪。從皮毛而出。則諸症自除矣。（麻黃湯治表實）

如脈浮而弱。汗自出者。此營強衛弱而表虛也。用桂枝湯以解肌。使營衛和而邪自解矣。（桂枝湯治表虛）

如不汗而煩躁。此內有伏火。爲外寒所鬱也。宜大青龍湯外散表寒。內清裏熱。則表裏俱解矣。（大青龍治外寒內熱）

若表不解。欬而微喘。發熱不渴者。此心下有水氣。不得化汗。干肺而喘。欬也。宜小青龍湯以行水發汗。喘加杏仁。以下氣。如小便不利。小腹滿。去麻黃。加茯苓以行水。（小青龍湯行水發汗）

若身熱無汗。口渴而喘者。此外寒束內熱也。宜麻杏石甘湯以解肺分之邪。其喘立止。（熱喘用麻杏石甘湯涼解）

如感寒而喘。桂枝加厚樸杏仁湯主之。（寒喘用桂枝加杏樸溫散）
如身與骨節俱不疼痛。獨頭項痛而背強。牽引几几。脈浮惡風。無汗
者。此風傷于太陽筋脈也。風能劫液。其牽引之狀。即變痙之端。宜葛
根湯主之。以解肌表之風邪。而生陽明之津液。則筋脈舒而無牽引
之患矣。（無汗爲剛痙。葛根湯主之）

如汗後表熱不解。脈浮數煩渴。飲水而小便不利者。（太陽府病）此
熱結膀胱。水停下焦也。五苓散微汗以利之。（太陽傳入膀胱之府
五苓散主之）

如八九日過經不解。發熱惡寒如瘡狀。一日二三發。其人不嘔。非少
陽也。若其小便清者。無裏熱也。面有熱色者。微邪未解也。身癢者。邪

在皮膚中欲出不得也。宜小汗之。桂枝麻黃各半湯。如有汗。宜桂枝二麻黃一湯。熱多寒少。宜桂枝二越婢一湯。（過經不解餘邪鬱表故宜小汗邪微而藥緩也）

若不汗而妄下。瘀熱在裏。但頭汗出。小便不利。身體發黃。此太陽誤治變症也。麻黃連軀赤小豆湯主之。以分解表裏。使濕熱之邪一從麻黃發汗而出。太陽之表一從赤小豆連翹根之利小便而出。太陽之裏黃自退矣。（瘀熱發黃病在太陽。故用分解表裏之法）

發熱

熱無休止。曰發熱。風寒客于太陽。有即發熱者。有至一二日始發熱者。然必兼惡風惡寒頭痛項強身疼等症。（太陽主症）方為太陽發

熱宜汗之。方注云：太陽發熱，寒時亦熱，熱時亦寒也。（太陽發熱宜汗）

金鑑云：翕翕表熱，蒸蒸裏熱，俱有自汗症。表熱自汗（太陽）宜桂枝解肌，裏熱自汗（陽明）宜涼膈承氣，不可誤治。當審其尿之白赤，舌之潤燥爲別。（愚按：表熱自汗畏風惡寒，裏熱自汗則不惡風寒，尤當辨別）

邵評：辨表熱裏熱分汗清下三法爲治。

惡寒

此風寒客于營衛，非比寒熱之惡寒。雖身大熱，亦惡寒也。發熱無汗而惡寒爲表實，宜麻黃湯發熱有汗而惡寒爲表虛，宜桂枝湯。

邵評以有汗無汗辨表虛表實。

金鑑云發熱惡寒發于陽表也有汗桂枝湯無汗麻黃湯無熱惡寒發于陰裏也有汗桂枝加附子湯無汗宜麻黃附子細辛湯。

邵評以有熱無熱辨發於陰發於陽。

惡風

風邪傷衛則惡風均屬表症但惡風比惡寒爲輕耳。

頭痛

頭痛雖屬三陽惟太陽獨多故頭痛專主表太陽頭痛必兼惡寒發熱（太陽頭痛必連項強）表解自除陽明頭痛在額前目鼻等處（陽明表症）無汗爲表症宜葛根湯加白芷葱白等汗之若頭痛自



汗不惡寒。反惡熱。大便實。小便赤。陽明裏熱上蒸。當以陽明裏症治之。承氣湯。少陽頭痛在頭角耳根。脈弦數口苦是也。小柴胡去參加川芎。有痰加栝蒌仁。參準繩辨三陽頭痛。

項強

太陽傷寒。必頭痛。項強。太陽中風。兼濕成痙。亦項強。金鑑云。項強太陽病。項背強。太陽陽明病也。脈浮無汗。從傷寒傳來。宜葛根湯。有汗從中風傳來。宜桂枝加葛根湯。若脈沉而項背強。邪已入胸。宜栝蒌桂枝湯。傷寒風濕俱有項強。

體痛

風寒客於太陽而身痛。但拘急耳中濕則身痛不能轉側。陰毒身痛。



則體勢沉重。宛如被杖。以此別之。太陽身痛。解表自除。風濕身痛。宜桂枝加附子湯。陰症身痛。四逆真武輩溫之。（參準繩）

邵評體痛有風寒濕陰症之不同。

金鑑云。身痛未汗。屬表實。宜麻黃湯。汗後身痛。屬表虛。宜桂枝新加湯。若身痛尺脈遲。是血少營氣不足。雖未經汗。不可發汗。宜建中湯加歸朮以補營血。風濕身痛。令人一身盡痛。不能轉側。筋脈牽引。煩疼不寧。宜桂枝附子湯。少陰身痛。則脈沉四肢逆冷。宜附子湯。厥陰身痛。厥逆汗出不止。下利清穀。宜四逆湯。

邵評身痛有表實表虛營虛血少風濕各因。若少陰厥陰二經中寒。亦有身痛。臨症均須細辨。

新法

北方地厚天寒人之稟氣亦厚風寒所感只在本經留連故多太陽正病若大江以南地勢卑天氣暖人稟薄一感外邪即從太陽而入陽明少陽或從太陽而入太陰少陰總屬太陽兼症不得以太陽正病治之

太陽陽明

太陽少陽

太陽兼肺

太陽太陰

太陽少陰

太陽陽明

凡風寒初感便見頭疼發熱惡風惡寒腰疼骨痛脈來浮緊或浮緩口不渴舌潤無胎者此風寒客於太陽陽明營衛之間也因非太陽正病故項不强耳治宜辛散羌防芎芷蘇葉樸陳姜葱之類溫中散

寒則食化而表解矣。若惡寒甚而寸關脈沉遲者。寒邪重也。宜麻黃桂枝等辛溫汗之。若飽悶惡食。右關脈短滑者。胃中停食也。宜兼消導。查肉麥芽神麴之類。外感挾食內外兼治。風寒症如見舌胎白而燥。或兼微黃口渴便赤。脈來浮滑者。表有風而內熱。此太陽感寒。陽明有火也。或風熱之邪客於陽明之表也。均宜涼散。以桑防薄荷連翹葛根黃芩梔子之類。清熱解表。風熱初起治法。如初起惡寒。繼即發熱不已。目赤多眵。舌胎焦刺。口渴多飲。唇皸齒燥。脈來洪滑。此內有伏火。外感新邪而發。風溫在肺胃。當以陽明爲主治。宜涼解之。如犀角連翹黃芩薄荷梔子豆豉淡竹葉之類。從心營肺衛治。如兼頭痛惡寒。表邪可加葱豉從營透衛。以撤

表邪自能得汗而解。若用羌防等風藥發表。則液燥火熾。反無汗而加劇矣。

邵評此風火正治法。

太陽少陽

凡人腠理疎豁。其邪卽從太陽而入。少陽蓋少陽本屬相火。溫邪與相火同氣。相招也。如見舌胎白中帶紅。外症頭痛身熱口苦。眼赤多眵。脇痛耳鳴。脉浮弦而數。少陽見症。此木火之邪。當從少陽治。宜柴芩連翹梔子牛蒡薄荷木通等解之。如未解而漸入於營。加鮮生地牡丹皮鈎藤池菊之類清之。

邵評此風溫入少陽經正治法。